

vrijndach an dat heleghe cruce, daer hi selve an gheslegghen stont. Hi zweete water en(de) bloet. [M]etten water en(de) mette(n) bloede en(de) metter selver m[i]racle, so biddic om gracie, oft biden orlove van gode wesen mach, Datti mi macht en(de) cracht en(de) gratie toe senden moete, dat ics werdich wesen moete macht, cracht en(de) gratie te ghekrighenen, te doen boete, tontfane van alre mesquame en(de) alle maniere van festellu(m) me festela. lumen. ego. periedicor. sicut. gege-raius. sedanum. fiat. fiat. fiat. + .x(ristus). vincit. + .x(ristus). regnat. + .x(ristus). im-(per)at. + ab omni malo defendat, amen +. Ic recke ic sochte drie deser wormen, sla ic doot, sla ic doot, sla ic doot, si sijn doot, si sijn doot, si sijn doot. Het slouchse God en(de) die goede sente iob van sinen alven. Het slouchse god en(de) die goede sente loy van sine(n) alve(n) [Z]ijt festel, often dooden, ofte plane, ofte sente loys evele, ofte sente iobs evel, of so wat evel dat es, metter hulpen gods en(de) des goede sente iobs en(de) ic van hare(n) alven so sla icse doot, up dat bi den orlo//ve van gode wesen mach alle mesquame en(de) alle manieren van ziechede(n) en(de) evelen, die hu deeren moghen, die hu es comen an, dat rume(n) en(de) sceeden moeten huut uwen hoofde, huut uwen leden, huut uwe vleesche, huut uwen bloede, In de heere van .ih(esus). x(ristus)., onsen lieven heere, In de heleghe name dat god gheboren was: Job, job, staet up en(de) gheloeft an den soeten helegghen kerst. Job, seiti, die snuchtens staet up ghesont, die es snavons ghewont, en(de) die snavons es ghewont, die es snuchtens ghesont. Also zuvere so moete dese creature ghenesen als .ih(esus). soete wonden deden. In gods name(n), amen + Jhoannes monias remonias pietas su(n)t infirmitates ob dolore dicim(us). In no(m)i(n)e patris + et filij + et spiritus sancti + amen. [M]aria, die moeder gods, die lach in liste om die ghebenedide heleghe .v. wonden te cussene. Soe custe die heleghe .v. wonden [M]aria die was zuver ende soe ghenas. [A]lso zuver so moeten dese creature ghenesen als .ih(esus). soete

Dwette

Winnen tot

Job

so
wot

5 Wunden